



ქობულეთის მუნიციპალიტეტის საკრებულო

გ ა ნ კ ა რ გ უ ლ ე ბ ა N27

2016 წლის 28 მარტი

ქ. ქობულეთი

ქობულეთის მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ნაკვეთების (მათ შორის პლაჟების) 2016 წლის საკურორტო სეზონისათვის იჯარის უფლებით გაცემის მიზნით ქობულეთის მუნიციპალიტეტის გამგებელზე თანხმობის მიცემის თაობაზე

საქართველოს ორგანული კანონის „ადგილობრივი თვითმმართველობის კოდექსი“-ს 54-ე მუხლის პირველი პუნქტის „დ.დ“ ქვეპუნქტისა და ქობულეთის მუნიციპალიტეტის გამგებლის 2016 წლის 10 მარტის N01/1770 მომართვის შესაბამისად:

1. ქობულეთის მუნიციპალიტეტის გამგებელს (ს.ევგენიძე) მიეცეს თანხმობა ქობულეთის მუნიციპალიტეტის საკრებულოს მიერ მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ნაკვეთების (მათ შორის პლაჟების) საზაფხულო სეზონთან დაკავშირებით დროებით სარგებლობის უფლებით გაცემის მიზნით განსაზღვრული საიჯარო ფასების შესაბამისად პირდაპირი განკარგვის წესით იჯარის ფორმით სარგებლობის უფლებით განკარგოს (2016 წლის 1 სექტემბრამდე) არასასოფლო-სამეურნეო დანიშნულების მიწის ნაკვეთები შესაბამისი ზონების მიხედვით დროებითი ტიპის კაფე-ბარების (მათ შორის ბუნგალოების), სავაჭრო, გასართობი ობიექტების, შეზღუდვების და ზომამცირე მცურავი საშუალებების (კატარლა, მოტონავი, ჰიდროციკლი, წყლის ველოსიპედი, კატამარანი, ნავი და სხვა მცურავი საშუალებები) განთავსებისათვის;

2. გაცემული იჯარების შესახებ ინფორმაცია ქობულეთის მუნიციპალიტეტის გამგებელმა (ს.ევგენიძე) საკრებულოს წარმოუდგინოს 2016 წლის 1 ნოემბრამდე;

3. კონტროლი განკარგულების შესრულებაზე დაევალოს ქობულეთის მუნიციპალიტეტის საკრებულოს თავმჯდომარის მოადგილეს (ნ.ბეჟანიძე);

4. განკარგულება შეიძლება გასაჩივრდეს ერთი თვის ვადაში ბათუმის საქალაქო სასამართლოში (მის: ქ. ბათუმი, ზუბალაშვილის ქ.№30);

5. განკარგულება ძალაშია ხელმოწერისთანავე.

საკრებულოს თავმჯდომარე



ს.ოქროპირიძე